



Vest-Telemarkrådet

INNKALLING TIL TINGMØTE

Til: Tingmedlemmar

Dato: Tysdag 5. desember 2023 kl. 10.00 – 14.00

Stad: Straand Hotel i Vrådal

I tråd med samarbeidsavtala blir det no kalla inn til møte i Vest-Telemarktinget.

Kl. 09.30 Enkel servering

Kl. 10.00 Tingsaker

Kl. 11.50 Orientering om *Tid for handling - Personellet i en bærekraftig helse- og omsorgstjeneste NOU 2023: 4*

- Innleiing ved Jan Myrekrok, rådmann i Vinje kommune
- Magne Nicolaisen, Direktør helse og omsorg, Tromsø kommune legg fram *Tid for handling* på teams

Kl. 12.30 Tingsaker held fram

Kl. 13.00 Lunsjbuffet

Vi ynskjer velkommen til Straand Hotel

Venleg helsing Vest-Telemarkrådet

Tarjei Draugedal, regionleiar

Anne Aasmundtveit, dagleg leiar

SAKLISTE

Vest-Telemarktinget

Tingmøte, 5. desember 2023

Sakliste

Sak 8/2023	Opprop med presentasjon
Sak 9/2023	Godkjenning av innkalling og sakliste
Sak 10/2023	Orientering om Vest-Telemarkrådet
Sak 11/2023	Framlegg til 4-årig strategi med handlingsprogram 2024-2027
Sak 12/2023	Framlegg til budsjett 2024 for Vest-Telemarkrådet
Sak 13/2023	Val Val av regionleiar og regionnestleiar for perioden 2024-2026 Fastsetting av godtgjersle for regionleiar og regionnestleiar Val av valnemnd
Sak 14/2023	Orientering om <i>Tid for handling - Personellet i en bærekraftig helse- og omsorgstjeneste</i> NOU 2023: 4 - Innleiing ved Jan Myrekrok, rådmann i Vinje kommune - Magne Nicolaisen, Direktør helse og omsorg, Tromsø kommune legg fram <i>Tid for handling</i> på teams

Sak 11/2023

Framlegg til 4-årig strategi med handlingsprogram 2024-2027 for Vest-Telemark interkommunale politisk råd

Vest-Telemarkrådet blir no organisert som eit interkommunalt politisk råd (IPR). Alle dei seks deltakande kommunane har vedteke ei samarbeidsavtale der det mellom anna står at Vest-Telemarktinget har ansvaret for å godkjenne ein 4-årig strategi med handlingsprogram. Administrasjonen legg no fram eit forslag til strategi 2024-2027. Sjå vedlagte strategiutkast med eit handlingsprogram bygd på arbeidsprogram for 2022-2023. Administrasjonen ser det som naturleg at handlingsprogrammet vert rullert annakvart år slik som det tidlegare arbeidsprogrammet blei.

Strategien vart presentert i Vest-Telemarkrådet 14. november 2023.

Vest-Telemarkrådet fatta følgjande vedtak:

Vest-Telemarkrådet rår Vest-Telemarktinget til å vedta strategi med handlingsprogram 2024-2027 for Vest-Telemark interkommunale politiske råd.

Framlegg til vedtak: Vest-Telemarktinget vedtek den framlagte strategien med handlingsprogram 2024-2027 for Vest-Telemark interkommunale politiske råd.



Vest-Telemarkrådet
Fyresdal - Kviteseid - Nissedal - Seljord - Tokke - Vinje

Strategi
2024 - 2027

Innleiing

Vest-Telemark er ein naturleg region med kommunane Fyresdal, Kviteseid, Nissedal, Seljord, Tokke og Vinje.

Vest-Telemarkrådet, eit samarbeidsorgan for dei seks kommunane, vart stifta i 1993 for å betre å kunne jobbe saman mot felles mål. Denne organisasjonen blir omdanna til eit interkommunalt politisk råd (IPR) 17. oktober 2023. Etter ny kommunelov §18.1 er det krav om at regionråd skal vere organisert som eit IPR der kvar deltagande kommune har vedteke ei samarbeidsavtale politisk. Rådet er eige rettssubjekt og har si lokalisering i Kviteseid sentrum.

I samsvar med den vedtekne samarbeidsavtala skal eit IPR ha ein strategi med handlingsprogram. Det er regionrådet sitt øvste organ som skal vedta strategien, altså Vest-Telemarktinget.

Strategien 2024 – 2027 for Vest-Telemarkrådet har eit handlingsprogram som vert foreslått rullert annakvart år og som bygger vidare på det tidlegare arbeidsprogrammet 2022-2023. Her har følgjande område vore vektlagt:

- samhandling over kommunegrenser for å gjera regionen attraktiv for busetnad, arbeid og oppleving
- å sette viktige politiske saker på dagsordenen og jobbe for gjenomslag for desse
- at regionen skal vera levande der opparbeidd identitet og kultur vert vidareført saman med innovasjon og nyskaping

I den nye strategien vil handlingsprogrammet omfatte seks satsingsområde (ikkje prioritert rekkefølgje):

Satsingsområda i handlingsplanen er:

- Regional utvikling
- Klima
- Næringsutvikling og offentleg tenestetilbod
- Samferdsel
- Digitalisering og tenesteutvikling
- Kompetanse og rekruttering

Dei ulike satsingsområda er knytt opp mot dei av FNs berekraftsmål som er aktuelle.

Det er særleg 9 av dei 17 berekraftsmåla som er relevante for strategien:

- 3 - God helse og livskvalitet
- 4 - God utdanning
- 8 - Anstendig arbeid og økonomisk vekst
- 9 - Innovasjon og infrastruktur
- 11- Berekraftige byar og lokalsamfunn
- 12 - Ansvarleg forbruk og produksjon
- 13 - Stoppe klimaendringane
- 15 - Liv på land
- 17 - Samarbeid for å nå måla



Moglegheiter og utfordringar i Vest-Telemark

Vest-Telemark har mange strukturelle fellestrekk som med andre utkant-kommunar som t.d. store naturareal, variert næringsliv, mange hytter, folketalsnedgang, og eit behov for fleire innbyggjarar i yrkesaktiv alder. Både folketalsnedgang over tid og framskrivingane frå SSB og Telemarksforsking viser at kommunane i regionen vil få utfordringar både når det gjeld tal innbyggjarar og demografi.

Regionen har ein fleirkjernestruktur med seks kommunesenter som utfyller kvarandre og har ulike funksjonar og tilbod. Ifølgje Telemarksforsking er dette til fordel for ein region som Vest-Telemark. Men sentralisering utgjer ei vesentleg utfordring. Utviklinga av statlege arbeidsplassar har vore svært negativ.

Det er stor mangel på eigna bustader i alle kommunane i Vest-Telemark. Det trengst både leilegheiter, bustadhus, utleigeeiningar, småbruk og gardar slik at tilboden er variert og godt. Småbruksprosjektet i øvre Telemark viser at det er stor etterspurnad etter småbruk og gardar. Erfaring viser at etterspurnaden er mykje større enn tilboden.

Arbeidet med klimaplanen for dei seks kommunane i Vest-Telemark starta i 2019. Alle seks kommunane har vedteke ein klimaplan med sju ulike satsingsområde og handlingsdel for kvart satsingsområde. Det er nedsett eit klimaforum med ein administrativ representant frå kvar kommune og der Vest-Telemarkrådet sin administrasjon har koordineringsansvaret.

Vest-Telemarkrådet har i alle år veklagt felles innsats på å løfte standard på vegane i og til regionen. Det vera seg både fylkesvegar og statlege vegar. For å få gjennomslag for regionens interesser på dette feltet, er det stor semje og vilje til å stå saman om dei ulike vegprioriteringane.

Kommunane har gått saman om ein felles reiselivsstrategi for dei 10 neste åra (2023-2033). Det blir arbeidd med «Merket for berekraftig reisemål» i regionen. Merkeordninga er forvalta av Innovasjon Norge og er ei internasjonal godkjent ordning.

Vest-Telemarktinget vedtok felles nullvisjonsplan 6. desember 2022. Planen legg føringar og konkrete tiltak for korleis regionen kan jobbe saman får å få null skadde og drepne i trafikken. Vest-Telemarkrådet sin administrasjon er sekretariat for dette arbeidet.

Når det gjeld utvikling av tenester og tenestenivået i kommunane er det viktig at digitalisering blir integrert i alle ledd. For tida vert det jobba med rullering av felles digitaliseringsstrategi der eit viktig mål er å utnytte digital teknologi til å forbetre tenester og arbeidsprosesser. Det som ligg til grunn i digitaliseringsprosesser er ei god informasjonsforvalting.

Når det gjeld helse og omsorg, vil det vera 96 årsverk ledig innan helse og omsorg i perioden 2024-2027 i Vest-Telemark. Tal årsverk inkluderer dei som kan gå av med pensjon ved fylte 62 år i 2027. På bakgrunn av desse tala er det viktig å ha fokus på å behalde tilsette gjennom å satse på kompetanse og attraktive arbeidsplassar, slik at ikkje kommunane får stor «turnover» i tillegg til dei som går av med pensjon. Det er verdt å merke seg at dette er tal som byggjer på dagens nivå på helse- og omsorgstenestene.

Universitetet i Sør-Aust Noreg (USN) har sendt signal om at dei ynskjer å prioritere desentralisert sjukepleiarutdanning, men at det har vore utfordrande å få nok kvalifiserte søkerar.

Samarbeid skjer og mellom kommunane i tematiske forum og nettverk for å utvikle dei kommunale tenestene.





Visjon:

Vest-Telemark – ein levande region

Satsingsområda i handlingsplanen er:

- Regional utvikling
- Klima
- Næringsutvikling og offentleg tenestetilbod
- Samferdsel
- Digitalisering og tenesteutvikling
- Kompetanse og rekruttering

Satsingsområde:

Regional utvikling

Målsetting: Vest-Telemark skal vera ein attraktiv region å bu, besøke og arbeide i.

Tiltak:

- Samarbeide om og synleggjera Vest-Telemark som ein felles bu- og arbeidsmarknad gjennom m.a:
 - Vest-Telemarkrådet si heimeside der ein informerer om det inter-kommunale politiske rådet, småbruk til sals og utleige, ledige stillingar, arrangement.
 - Utarbeide og utvikle tiltak for å fremje småbruksprosjektet gjennom auka ressursar.
 - Arrangere Vest-Telemarkkonferansen i februar kvart år.
 - Samarbeide med Vinjelosen og Fortidsminneforeninga om pilotprosjektet «Ljos i gamle hus».
- Vest-Telemarkrådet skal vere ein aktuell og tydeleg aktør i arbeidet med å utvikle Vest-Telemark ved å:
 - Sikre god samhandling og kommunikasjon mellom dei ulike forvaltings-nivåa, spesielt inn mot fylkeskommunen og statsforvaltaren.
 - Styrke påverknadsarbeidet både politisk og administrativt i høve regionen sine interesser t.d. gjennom høyningsuttaler, jamlege møte med telemarksbenken, statsforvaltar og fylkeskommune.
 - Ha eit tett samarbeid med andre regionråd for å utveksle erfaringar og gode arbeidsmåtar.
- Gjennomføre årlege regionale samlingar for dei kommunale ungdomsråda der m.a. realisering av tiltak i Nullvisjonsplan blir drøfta.
- Initiere, skaffe ekstern finansiering og gjennomføre relevante prosjekt for regionen t.d. Bygdevekstavtale, God agronomi i det grøne skiftet.
- Stø opp om kulturtiltak som fremjar kjennskap, identitet og samhandling.




Satsingsområde:

Klima

Målsetting: Kommunane skal redusere det totale klimafotavtrykket frå eiga verksemد, ta vare på naturmangfaldet og vere pådrivarar for klimavenlege løysingar i regionen i samsvar med nasjonale føringer og målsetjingar.

Tiltak

- Koordinere omforeinte regionale tiltak med forankring i dei sju satsingsområda i klimaplanen. Satsingsområda er arealforvalting, jordbruk, skogbruk, sirkulær økonomi, Enøk, transport og innkjøp.
- Etablere eit 3-årig småbruks- og berekraftsprosjekt.



Satsingsområde:

Næringsutvikling og offentleg tenestetilbod

Målsetting: Fremme næringsutvikling og styrke kvaliteten og tilgjenge av offentlege tenester i Vest-Telemark for å skape ein livskraftig region.



Tiltak

- Legge til rette for næringsutvikling med grunnlag i lokale ressursar som t.d. kompetanse, kraft, areal, skog og jord.
- Styrke og utvikle nærings- og rådgjevingsapparatet i Vest-Telemark, og vidareføre samspelet mellom regionrådet og dei næringsansvarlege i kommunane.
- Vidareføre ein profesjonell etablerarteneste ved å ha ansvaret for Start Opp-Tenesta
- Medverke til at felles reiselivsstrategi blir gjennomført, og at planlagt handlingsplan blir utarbeidd.
- Syte for at regionen blir sertifisert for «Merket for berekraftig reisemål» og at resertifisering startar opp innan tre år.
- Sikre at jordskifteretten og tingretten framleis er lokalisert i Kviteseid.
- Støtte om arbeidet for ei base for luftambulanse i regionen.




Satsingsområde:

Samferdsel

Målsetting: Sikre gode samferdselsløysingar for Vest-Telemark.

Tiltak:

- Synleggjere regionens infrastrukturbehov gjennom faktaoppbygging og formidling.
- Vidareutvikle felles strategiar for vegutbygging og skape alliansar for desse.
- Arbeide for auka løyvingar til fylkesvegane i regionen.
- Medverke til at viktige prosjekt på E134, rv 36 og rv 41 blir bygd ut raskast mogleg.
- Grøn mobilitet – samarbeide med fylkeskommunen om kollektiv transport i område med lågt passasjergrunnlag/flexiløysingar.
- Arbeide for gode kollektivløysingar t.d. ekspressruter, togtilbod.



Satsingsområdet:

Digitalisering og tenesteutvikling

Målsetting: Vest-Telemarkrådet skal medverke til digitalisering og tenesteutvikling i kommunane.

Tiltak

- Digitaliseringsstrategien for Vest-Telemark ligg til grunn for prioriterte arbeidsområde som digitaliseringsutvalet skal jobbe med.
- Gjennom aktiv deltaking i overordna regionale nettverk, som t.d. DigiTV, for å halde seg oppdatert på nasjonale retningslinjer og fremme digitale tenester.
- Etablere og koordinere fagnettverk og forum mellom kommunane for å stø opp om samarbeid og erfaringsdeling innan digitalisering i dei ulike kommunale sektorane.
- Medverke til heilskaplege, trygge helse- og omsorgstilbod i regionen med brukaren i sentrum.
- Sørge for at velferdsteknologi blir ein integrert del av tenestetilbodet i Vest-Telemark.
- Medverke til kompetanseheving i kommunane når det gjeld velferds-teknologi og annan digital teknologi.



Satsingsområde:

Kompetanse og rekruttering

Målsetting: Legge til rette for kompetanseutvikling og strategisk rekruttering i Vest-Telemark, med sikte på å styrke fagmiljøa, trygge tilgang til kompetent arbeidskraft og bidra til ei dynamisk og konkurransedyktig samfunnsutvikling.



Tiltak

- Samarbeide med utdanningsinstitusjonar, spesielt USN, for å styrke tilbodet av relevante utdanningsprogram og kurs, fleksible utdannings-tilbod, inkludert etter- og vidareutdanning.
- Arbeide for etablering av desentraliserte vidareutdanningstilbod for å gjere kompetanseheving tilgjengeleg lokalt, regionalt og i fylket.
- Bidra til å styrke Vest-Telemark vidaregåande skule og støtte opp om yrkesmessa på Dalen.
- Bygge opp under inkluderande arbeidsplassar og mangfold gjennom prosjektet «Inn i arbeid».





Vest-Telemarkrådet

Fyresdal - Kviteeid - Nissedal - Seljord - Tokke - Vinje

Sak 12/2023 Framlegg til budsjett 2024

I tråd med etablerte økonomirutinar blir sak med framlegg til budsjett for komande år no lagt fram for Vest-Telemarktinget. Vest-Telemarkrådet handsama budsjettet 14. november 2023 og fatta følgjande vedtak:

Vest-Telemarkrådet rår Vest-Telemarktinget til å godkjenne det framlagte forslaget til budsjett for perioden 17. oktober 2023 – 31. desember 2024

Budsjettoppsett kjem i sin heilskap i tal slik som det ligg ved saka.

Budsjett gjeld i perioden 17. oktober 2023 – 31. desember 2024 p.g.a. omorganiseringa av rådet til interkommunalt politisk råd 17. oktober 2023.

Inntekter

Driftsbudsjettet har ei delt finansiering mellom kommunane i Vest-Telemark og Telemark Utviklingsfond (TUF), der kvar part finansierer 50%.

Driftsbudsjettet aukast i tråd med TUF sine justeringar, som igjen regulerast etter konsumprisindeksen. Prisjusteringa er utrekna ut i frå konsumprisindeksen i perioden september 2022 - september 2023 som er på 3,3%. TUF sitt bidrag for 2023 blir med dette 2 741 857 kr.

Tabell 1 Kommunane sine bidrag er:

Kommune	Fast fordeling	Prosentvis fordeling	Andel per kommune 2024
Fyresdal	228 488	119 330	347 818
Nissedal	228 488	140 583	369 071
Kviteseid	228 488	236 612	465 100
Seljord	228 488	286 528	515 016
Tokke	228 488	214 287	442 775
Vinje	228 488	373 588	602 076
Vest- Telemark	1 370 929	1 370 929	2 741 857

Tabell 2 Totalt er budsjettet til Vest-Telemarkrådet for 2024 på 11 363 714 kr.

Inntekter	Budsjett 2024
TUF	2 741 857
Kommunane	2 741 857
Mva komp	985 000
Deltakaravg VTkonferansen	80 000
Renter	230 000
Bruk av disposisjonsfond	2 095 000
Bruk av bundne fond	1 845 000
Skjønnsmidlar-stat	500 000
Fjellandbruksmidlar-stat	45 000
Landbruksmidlar-fylke	100 000
Totalt	11 363 714

Skjønnnsmidlar frå Statsforvaltaren

Som kjent må Vest-Telemarkrådet søke prosjektskjønnnsmidlar på lik linje som resten av fylket. I 2023 fekk rådet totalt 800 000 kr i skjønnnsmidlar til klimaplanarbeid og digitalisering.

For 2024 er det kun budsjettet med 500 000 kr i skjønnnsmidlar til eit 3-årig småbruk- og berekraftsprosjekt, men ein vil sjølv sagt søke midlar til fleire prosjekt. Søknadsfristen er i februar-mars 2024, slik at ein har ikkje fullt ut oversikt på kva for prioriterte område ein skal søke prosjektskjønnnsmidlar til.

KLP

Prognosar frå KLP syner at premie for Vest-Telemarkrådet i 2024 vil vera omlag 740.000 kr.

Mva kompensasjon

Den totale mva-kompensasjonen er budsjettet til å vera 895 000 kr.

1100 Administrasjon

Her ligg lønskostnader og driftsutgifter til dagleg leiar og utviklingsleiar, samt utgifter til drift av Vest-Telemarkrådet i ein 14,5 månaders periode.

Det er lagt inn ei relativt stor auke på budsjettpostar som skal dekke inn utgifter i samband med møteverksemrd i Vest-Telemarkrådet. Vest-Telemarktinget som no er representert ved alle formannskapa (38 medlemmar), rådmenn/kommunedirektørar, rådsadministrasjon og gjester, skal ha tre møte (des 2023, vår 2024 og des 2024) i budsjettperioden. Det er og tatt høgde i budsjettet for innspel som kom i rådsmøtet 23. mai 2023 om ei 2-dagars tingsamling i året.

I tillegg skal det blir arrangert ulike samlingar for ungdomsråd og innflyttarar, arbeidsgruppe nullvisjonsplan m.m.

Som interkommunalt politisk råd må organisasjonen følgje arkivlova. Det inneber at vi må ha eit sak- og arkivsystem slik som kommunane. Det er naturleg å knytte seg til Elements. Dette har ein kostnad som enno ikkje er definert, men som vi håpar vil kunne bli dekt innan eigne rammer.

1101 Digitalisering og velferdsteknologi

Under ansvar 1101 ligg drift av løn til digitaliseringsleiar og utgifter til moglege tiltak som skal gjennomførast i 2024. Det er digitaliseringsstrategien som peikar ut retning og konkretiserer kva digitaliseringstiltak som skal bli prioritert. Strategien er under revidering. Utgifter i samband med møteverksemrd i ulike forum som t.d. digitaliseringsutval, webforum, arkivforum, personvernforum ligg og her.

1108 Vest-Telemarkkonferansen og yrkesmessa på Dalen

Vest-Telemarkrådet har i mange år hatt ansvaret for å arrangere den årlege Vest-Telemarkkonferansen 2024. Det er lagt inn ei auke i Vest-Telemarkrådet sitt bidrag med 30 000 kr frå 120 000 kr til 150 000 kr grunna prisauke.

Vest-Telemarkrådet støttar yrkesmessa på Dalen med 50 000 kr.

1111 Til rådmennenes disposisjon

100.000 kr skal gå til møteverksemd og mindre aktivitetar og tiltak.

1112 Start Opp (Etablerarkontoret)

Det er gjort avtale med Telemark Næringshage (TNH) om drift av etablerarkontoret for 2021, 2022 og 2023 med opsjon 1+1 år, der den årlege ramma er på 390 000 kr. Av desse er 300 000 kr eit fast beløp til rettleiing til potensielle etablerarar og kontaktpunkt med næringssjefane. Kr. 90 000 er til ekstra timer etter avtale med næringssjefane. Det er gjort avtale med TNH om å utløyse opsjonen.

1128 Fellestiltak næring

100.000 kr skal gå til møteverksemd og mindre aktivitetar og tiltak.

1136 Felles klimaplan for Vest-Telemark

Handlingsdelen i klimaplanen innehold mange tiltak som Vest-Telemarkrådet samarbeider med kommunane om å få gjennomført. Ein del av tiltaka gjeld kompetanseheving av innbyggjarane og kommunal forvaltning.

Miljøfyrtårnsertifisering av kommuneadministrasjonen starta hausten 2023, men mesteparten vil bli utført i 2024.

For å halde klimaarbeidet oppe og aktuelt, har klimaforumet digitale og/eller fysiske møte.

1138 Aktivitetstilbod velferdsteknologi

I koronatida løvvde statsforvaltaren 1.600.000 kr til videokommunikasjonsutstyr (KOMPar) til ikkje-digitale brukarar. Prosjektet blir avslutta i 2023. Det er likevel budsjettet med 80 000 kr til frivillige organisasjonar for å installere allereie innkjøpte KOMPar.

1139 Merket for berekraftig reisemål

Merket for berekraftig reisemål er eit 2-årig prosjekt som blir avslutta i august 2024. Restbeløpet før sluttføring er 305 000 kr som vert dekt av disposisjonsfondet jf vedtak i Vest-Telemarkrådet 31. august 2021.

1140 Felles reiselivsstrategi

Reiselivsstrategi for Vest-Telemark 2023-2033 er ferdig og har blitt sendt til kommunane for politisk behandling. Det er 10 satsingsområde i reiselivsstrategien, og det er forslag på fleire tiltak innan kvart av satsingsområda. Næringskollegiet vil starte arbeidet med å gjennomføre tiltak og til det arbeidet ynskjer dei å nytte restmidlar etter Byregionprogrammet på 285 000 kr som står på bundne fond. Desse er øyremerkta næringskollegiet.

1142 God agronomi i det grøne skiftet

Vidareføring av forprosjekt, som er finansiert av tilskot frå statsforvaltaren og fylkeskommune. Målet er eit hovudprosjekt som det vil koma eigen sak på til Vest-Telemarkrådet.

1143 3-årig småbruks- og berekraftsprosjekt

Vest-Telemarkrådet fatta følgjande vedtak i møtet av 17. oktober 2023:

Vest-Telemarkrådet støttar forslag til løysing der eit 3-årig småbruks- og berekraftsprosjekt (utan Hjartdal, Tinn og Drangedal) vert innarbeidd i budsjett 2024 for Vest-Telemarkrådet
 Det er lagt inn drift av ei prosjektstilling med 7 månaders verknad. Stilling kan ikkje bli lyst ut før etter vedtak i Vest-Telemarktinget 5. desember 2023. Det vi då vera naturleg å vente med stillingsutlysing til nyåret. Det tar gjerne 4-5 månader før ein tilsett kan starte i jobben. Det er budsjettert med 500 000 kr i skjønnsmidlar frå statsforvaltaren, eit usikkert tilskot då frist for å söke er februar/mars 2024.

Tabell 3 Oversikt over fond

Fond 2024	Kroner
Fellesfondet	3 250 000
Tiltak IKT-strategi Vest Telemark	238 745
ByR i Vest Telemark	289 815
Endringsprosessar og interkommunalt samarbeid	87 227
Rådmennenes disposisjon	92 488
Velferdsteknologi	190 331
Inn i Arbeid	200 000
Klimaplan	880 000
Digitalisering	400 000
Dispositionsfond	5 810 323
Totalt fond	11 438 929

Det vil stå att 3 715 000 kr på dispositionsfondet og 3 783 606 på bundne fond inkl. grunnfondet ved utgangen av 2024.

Framlegg til vedtak: *Vest-Telemarktinget godkjenner det framlagte forslaget til budsjett for perioden 17. oktober 2023 – 31. desember 2024*

1150	Kursutgifter	39 490,00	100 000,00	0,00	0,00	0,00	
1170	Transport	0,00	0,00	0,00	0,00	25 000,00	
1190	Husleige	8 500,00	25 000,00	0,00	0,00	0,00	
1270	Konsulenttenester	31 239,00	100 000,00	0,00	0,00	50 000,00	
1429	Mva-kompensasjon	19 096,13	50 000,00	0,00	0,00	20 000,00	
	<i>Andre driftsutgifter</i>	157 518,66	425 000,00	0,00	0,00	165 000,00	
1700	Ref frå staten	0,00	-100 000,00	0,00	0,00	-45 000,00	
1729	Kompensert mva-drift	-19 096,13	-50 000,00	0,00	0,00	-20 000,00	
1730	Ref. frå fylket	0,00	-275 000,00	0,00	0,00	-100 000,00	
1770	Ref. frå private	-13 000,00	0,00	0,00	0,00	0,00	
	<i>Inntekter</i>	-32 096,13	-425 000,00	0,00	0,00	-165 000,00	
1143	3-ÅRIG SMÅBRUKS- OG BEREKRAFTSPROSJEKT						
1010	Fast løn	0,00	0,00	0,00	0,00	500 000,00	
1053	Anna løn og trekkpl. yting	0,00	0,00	0,00	0,00	0,00	
1090	Premie til KLP	0,00	0,00	0,00	0,00	140 000,00	
1092	Kollektiv ulykke/gruppel.	0,00	0,00	0,00	0,00	0,00	
1099	Arbeidsgjeveravgift	0,00	0,00	0,00	0,00	100 000,00	
	<i>Lønsutgifter</i>	0,00	0,00	0,00	0,00	740 000,00	
1100	Kontormatriell	0,00	0,00	0,00	0,00	3 000,00	
1115	Matvarer	0,00	0,00	0,00	0,00	20 000,00	
1120	Anna forbruksmateriell	0,00	0,00	0,00	0,00	5 000,00	
1130	Frankering og gebyr	0,00	0,00	0,00	0,00	0,00	
1131	Telefon	0,00	0,00	0,00	0,00	5 000,00	
1140	Annonser, gåver og info.	0,00	0,00	0,00	0,00	10 000,00	
1150	Kursutgifter	0,00	0,00	0,00	0,00	20 000,00	
1160	Reise og diettgodtgjersle	0,00	0,00	0,00	0,00	20 000,00	
1170	Transport	0,00	0,00	0,00	0,00	3 000,00	
1190	Husleige	0,00	0,00	0,00	0,00	30 000,00	
1195	Avgifter og gebyr mm	0,00	0,00	0,00	0,00	0,00	
1196	Andre avg. og lisenser	0,00	0,00	0,00	0,00	0,00	
1200	Kontorutstyr	0,00	0,00	0,00	0,00	30 000,00	
1429	Mva-kompensasjon	0,00	0,00	0,00	0,00	125 000,00	
	<i>Andre driftsutgifter</i>	0,00	0,00	0,00	0,00	271 000,00	
1729	Kompensert mva-drift	0,00	0,00	0,00	0,00	-125 000,00	
1700	Ref frå staten	0,00	0,00	0,00	0,00	-500 000,00	
1940	Bruk av disp.fond					-386 000,00	
	<i>Inntekter</i>	0,00	0,00	0,00	0,00	-1 011 000,00	
		-1 707 464,04	180 000,00	180 000,00	815 000,00	0,00	

Sak 13/2023 Val

- 1) Val av regionleiar og regionnestleiar for perioden 2023-2025
- 2) Fastsetting av godtgjersle for regionleiar og regionnestleiar
- 3) Val av valnemnd

I medhald av samarbeidsavtale for Vest-Telemark Interkommunale politiske råd skal det på tingmøte veljast regionleiar og regionnestleiar for komande 2-årsperiode.

Det skal gjerast vedtak om fastsetting av godtgjersle til regionleiar og regionnestleiar og det skal veljast valnemnd.

Valnemnda for inneverande periode har hatt slik samansettning: *Jon Rikard Kleven, Vinje kommune, Jarand Felland, Tokke kommune, og Rikke Raknes, Seljord kommune.*

Til orientering ligg ei oversikt over tidlegare regionordførarar og regionvaraordførarar.

Innstilling frå valnemnda:

1.

Som regionleiar for perioden desember 2023 - desember 2025 vert valt:

- ***Ordførar Tarjei Draugedal, Kviteeid kommune.***

Som regionnestleiar for perioden desember 2023 - desember 2025 vert valt:

- ***Ordførar Solveig Sundbø Abrahamsen, Seljord kommune***

2.

Godtgjersle for regionleiar: 4 % av ein stortingsrepresentant si godtgjersle

Godtgjersle for regionnestleiar: 1 % av ein stortingsrepresentant si godtgjersle

3.

Til valnemnd for komande periode vert valt:

- *Jarand Felland, Tokke kommune*
- *Ian Parry-Jones, Nissedal kommune*
- *Ulf Pedersen, Fyresdal kommune*

Oversikt leiarar av regionrådet 1994 – 2023

Periode	Leiar	Nestleiar
1994 – 1995	Inge Fjalestad Kviteseid	Kari Kile, Fyresdal
1996 – 1997	Birger Nygård, Tokke	Kari Kile, Fyresdal
1998 - 1999	Øyvind Tveit, Nissedal	John Kleivstaul, Seljord
2000 - 2001	Øyvind Tveit, Nissedal	Børre Rønningen, Vinje
2002 - 2003	Edvard Mæland, Seljord	Børre Rønningen, Vinje/ Karin Maria Larsen, Kviteseid
2004 – 2005	Saamund Gjersund, Fyresdal	Arne Vinje, Vinje
2006 – 2007	Arne Vinje, Vinje	Olav Urbø, Tokke
2008 – 2009	Olav Urbø, Tokke	Olav Tho, Hjartdal/ Anne-Nora Oma Dahle, Nissedal
2010 – 2011	Anne-Nora Oma Dahle, Nissedal	Torstein Tveito, Kviteseid
2012 - 2013	Torstein Tveito, Kviteseid	Erik Skjervagen, Fyresdal
2014 - 2015	Jon Svartdal, Seljord	Erik Skjervagen, Fyresdal
2016 - 2017	Erik Skjervagen, Fyresdal	Jon Rikard Kleven, Vinje
2018 - 2019	Jon Rikard Kleven, Vinje	Jarand Felland, Tokke
2020 - 2021	Jarand Felland, Tokke	Halvor Homme, Nissedal
2021 – 2023	Halvor Homme, Nissedal	Bjørn Nordskog, Kviteseid